


СЕРГЕЛИ ТУМАНИ:

ЯШАРИШ ВА ЯНГИЛАНИШ ЙЎЛИДА



ФАКТ ВА РАҚАМЛАР

«Алоқа банк» ОАЖ ўз маблаглари ҳисобидан туман ҳудудида жойлашган қурилиши тугалланмаган троллейбусларни таъмирлаш заводи негизда 2,5 миллион долларга тенг инвестиция киритишни ва шу орқали қишлоқ хўжалик маҳсулотларини сақлаш ва қайта ишлашга мўлжалланган «Сергели хўлмева-сабзавот» корхонасини ташкил этишни режалаштирган. Бўғунги кунга келиб ушбу лойиҳа бўйича банк ва «Ташгагроинвест» МЧЖ ўртасидаги келишувига асосан 1,2 миллиард сўмлик қурилиш ишлари амалга оширилган. Корхона 12 минг 750 тонна мева-сабзавот маҳсулотларини сақлаш қувватига эга бўлади, бу ерда 100 та янги иш ўрни яратилади. Фойдаланишга 2010 йил декабрь ойида топширилиши режалаштирилган.

«Донг Сонг Корея» ҚК томонидан жорий йилда автомотобилларга эҳтиёт қисмларини ишлаб чиқаришга мўлжалланган янги корхона ишга туширилиши режалаштирилган. Шунда қўшма корхона томонидан жалб этилган тўғридан-тўғри хорижий инвестицияларнинг умумий миқдори 1,9 миллион АҚШ долларини ташкил этади. Ўтган йил давомида 1,1 миллион АҚШ долларига тенг сармоя тўлиқ ўзлаштирилган бўлса, 2010 йилнинг учинчи чо-

раги давомида кўзда тутилган қолган инвестициялар ҳам амалда ўз ифодасини топади. Янги корхона фойдаланишга топширилиши билан 70 та янги иш ўрни яратилади.

«Асл ойна» ОАЖ қўшимча янги хом ашё цехини ташкил этиш мақсадида жорий йилнинг учинчи чораги давомида ўз маблаглари ҳисобидан 285,6 минг АҚШ доллари ва маҳаллий банкларнинг кредитлари орқали 133,4 минг АҚШ доллари ҳисобидан инвестициялар киритишни ва 50 та янги иш жойларини яратишни режалаштирган.

Жорий йилнинг биринчи ярим йиллигида 12 та хизмат кўрсатиш шохобчаси ташкил этилди. Маиший шохобчалар ишга туширилиши, шубҳасиз, аҳолига энгилликлар яратиш, узогини яқин қилади, вақтини ҳам анча тежайди.

Туман ҳокимлиги ташаббуси билан беш йил давомида кам таъминланган оилаларнинг деярли уч мингга яқин фарзанди учун суннат тўйлари ўтказиб берилди. Баркамол авлод йиллигида 70 нафар болажоннинг суннат тўйлари ҳамда 8 жуфт ёшнинг никоҳ тўйлари «Бахт-диёр» тантаналар уйида ҳар бир кўнгилга байрам шодийнаси улашилган ҳолда бўлиб ўтди.



«Халқобод» маҳалласида болажонларнинг шўшодон қийқириқларидан кўнглимиз кўтарилди. Айниқса бу ердаги ўзига хос услубда яратилган болажонлар боғини кўриб, лол қолдик. «Баркамол авлод» дам олиш оромгоҳида худди эртақлар шаҳарчасига кириб қолгандек ҳис қилдик.

«БАРКАМОЛ АВЛОД» БОФИГА ХУШ КЕЛИБСИЗ

«Анвойи» гуллардан тортиб, турфа хил эртақ қахрамонлари бўй чўзиб турган ушбу маскандаги болажонлар учун яратилган шартшароит ва қулайликлар ҳар қандай диди нозик инсонга ҳам маъқул тушиб, беихтиёр даврага қўшилишига туртки бўлади.

Маҳалламизда 4,5 мингга яқин турли миллат вакиллари тинчлик-хотиржамликда, хайрли мақсад билан яшаб келмоқда. Маҳаладошларимизнинг деярли 40 фоизини ёшларимиз ташкил этади, — дейди «Халқобод» маҳалласи фуқаролар йиғини раиси Гулшоҳа Суярова. — Фарзандлари-

нинг буш вақтини мазмунли ўтказишга асосий эътиборни қаратганмиз. Ҳавас билан боқиб турган боғимиз ўрни яқинида тош-шағаллар билан тўлиб ётган майдон эди. Туман ҳокимлиги ташаббуси ва бевосита бошчилигида қисқа фурсатда мана шу гузал боғ бунёд бўлди. Бундан қўшни маҳалла болаларидан тортиб, биз, катталарнинг ҳам боши осмонга етди.

Айтиб ўтиш жоизки, яқинда туман ҳокимлиги вакиллари Қўқон шаҳрида бўлиб, маҳаллий ҳокимият мутасаддилари билан биргаликда худди шундай «Халқобод» маҳалла-

ОҚИЛОНА СИЁСАТ ТАНТАНАСИ

(Давоми. Боши 1-бетда).

Халқаро рассомлар уюшмалари конфедерацияси Ижроия кўмитаси раиси Масут ФАТКУЛИН (Россия):

«Қирғизистон жанубида рўй берган воқеалар барчани қаттиқ ларзага солди.

Ўзбекистон раҳбариятининг қарори билан ўн минглаб қирғизистонлик қочқинларнинг Ўзбекистон ҳудудида қабул қилиниб, жойлаштирилгани — юзага келган вазиятдаги ягона тўғри қарор бўлди.

Ўзбекистон Президенти Ислам Каримовнинг Қирғизистон жанубида содир этилган воқеалар муносабати билан билдирган аниқ-равшан фикрлари гоят тўғри ва асослидир. Ўзбекистон раҳбарининг «Ўзбек ҳам, қирғиз ҳам бунга айбдор эмас. Бу четдан туриб уюштирилган, бошқарилган кўпуровчилик ҳаракатидир. Бу кўпуровчиликни уюштирган кучларнинг нияти Ўзбекистонни ҳам бу қарама-қаршиликка тортишдан иборат бўлган», деган сўзлари мутлақо тўғридир.

Ўзбекистон Президентининг «бугунги кунда ўзининг кадр-қиммати, гуруҳ ва ифтихорини сақлаб, ўз кучи ва қудратига ишонган, ўз меҳнати ва ақл-заковати билан ўз келажагини қуриш, ўз юртини ҳимоя қилишга қодир бўлган давлат ва жамиятигина дунё аҳли тан олади ва ҳурмат қилади. Ўз кучига ишонган, келажаги буюқ халқнинг бағри кенг бўлади. Халқимиз доимо бошқарларга бағрини очиб, ҳамдард бўлиб келган», деган сўзлари унинг донолиги ва узоқни кўра биллишидан далолатдир.

Ўзбекистон Марказий Осиё минтақасидаги энг барқарор давлат бўлиб келган ва шундай бўлиб қолади. Қирғизистон жанубида рўй берган воқеалар буни яна бир бор тасдиқлади».

«Жаҳон» АА

Иқтисодийёт

ХАРИДОР ТАЛАБИНИ ҚОНДИРАДИ

Шуни мамнуният билан айта оламизки, мамлакатимизда тадбиркорлик ривожига қаратилган эътибор барча соҳалар қатори, айниқса мебелсозликда ўзининг юксак самарасини берди.

Ҳақиқатан ҳам маҳаллий мебелсозларимиз яратган бири-бирдан кўрақ маҳсулотлар харидорлар талабини қондириб, хонадонларга файз бағишламоқда, буюртмачиларга манзур бўляпти. «Inter Farm» ишлаб чиқариш корхонасида корхона ва ташкилотлар учун офис жиҳозлари, ошхона учун ва юмшоқ мебель турлари тайёрланади. Уларнинг дизайнига қаратилган эътибор, муштақамлигини таъминлаш харидорлар сафининг ошишида муҳим омил бўлмоқда.

Илк фаолиятимизни мебель маҳсулотларини таъмирлашдан бошлаганмиз, — дейди корхона директори Елена Галимова. — Ҳозирги кунда бозорни ўрганиш, харидор талаб ва таклифидан келиб чиқиш асосида 100 дан ортқ турдаги офис, юмшоқ ва ошхона мебеллари ишлаб чиқараямиз. Йиллик айланма маблағ ҳажми 500 миллион сўмни ташкил этмоқда.

Айни пайтда корхонада 10 нафардан зиёд маҳаллий мебелсоз меҳнат қилиб, маҳоратли ва изланувчан дизайнерлар янги маҳсулот турларини яратмоқда, илгор техника ва технологиялардан фойдаланилмоқда.

Корхонада жорий йил охиригача ёшлар учун янги иш ўринлари очишни мақсад қилган ҳолда ишлаб чиқаришни кенгайтириш, махсулот тайёрлаш ҳажмини ошириш учун янги ускуналар келтириш саъй-ҳаракати бошланган. Бу ерда жиҳозларни металл каркас ҳамда пластикдан тайёрлашни йўлга қўйиш режалаштирилган, юмшоқ мебель турларини кўпайтириш ҳам кўзда тутилмоқда.

МАҲОРАТЛИ УСТА

Хунар шундай ажойиб ва давомли нарсаси, у аждодлардан авлодларга ўтиб, ўз нуфузини йўқотмайди, балки ижодий ривожланиб, янада сайқал топади.

Ёғоч ўймаkori Муҳаррам Ибрагимова ҳам ўнлаб шогирдлар етиштирган бўлиб, улар орасида Ботир Мавлоновнинг муносиб ўрни бор. Устозидан сабоқ олган ёш уста ўзининг бетақор буюмлари билан кўпчилигини мафтун этиб келмоқда.

— Хунар, хунардан ризқинг унар, деган нақлға амал қиламан, — дейди Ботир Мавлонов. — Тўққиз йилдан буён ёғоч ўймакорлиги билан шугулланаман. Миллий кўринишдаги кўплаб бинолар, музейлар учун эшиклар ясашда иштирок этганман. Ҳар йили ўнлаб янги маҳсулот турларини яратман. Минаиатура йўналишида ҳам ишлайман. Ота-боболаримизнинг эъзозли ишини давом эттирётганимдан, миллий хунармандчиликка озми-кўпми ҳисса қўшаётганимдан гурурланаман.

Ботирнинг маҳсулотлари Россия, АҚШ, Қозғистон, Қирғизистон сингари давлатлардаги халқаро ярмаркаларда эътироф этилган. У «Навқирон Ўзбекистон» кўрик-танловида иштирок этиб, совриндор бўлган. Ёш уста Муродил Зарипов, Азиза Саидова сингари шогирдларидан умиди катта. Улар ҳам келгусида ёғоч ўймакорлиги ривожига албатта ўз ҳиссасини қўшади.

Шарофат БАҲРОМОВА

Туман ҳокимлиги ташаббуси билан аҳолини тадбиркорликни бошлаш учун зарур бўлган барча маълумотлар билан таъминлаш, бу борада ҳар томонлама кўмак бериш мақсадида «Ягона ойна» маркази ташкил этилди. Ўзбекистон алоқа ва ахборотлаштириш агентлиги томонидан Бирлашган Миллатлар Ташкилати Тараққиёт дастурининг Ўзбекистондаги ваколатхонаси ва туман ҳокимлиги билан ҳамкорликда амалга оширилган ушбу лойиҳа давлат хизматларини интерфаол тарзда тақдим этади.

Шу ўринда айтиб ўтиш ўринлики, марказ очилишидан аввал уч тарафлама имзоланган меморандумга асосан вакилларнинг Вьетнам давлатининг пойтахти Ханой ва Хошимин шаҳарларида хизмат сафари уюштирилиб, «ягона ойна» маркази иш фаолияти ўрганилди. Дарҳақиқат, Вьетнамда бу борада ортирилган таъриба кенг ёйилишига лойиқ. Меморандум иштирокчилари бу ерда қўлланилаётган ахборот-коммуникатив технологиялар тўғрисида маълумот олиб, марказнинг қонуний асослари ҳақида ҳам фикр алмашишди.

Сергели туманида жорий йилнинг апрель ойида фаолият бошлаган ушбу марказда айни кунларда танлов асосида қабул қилинган ижтимоий-иқтисодий масалаларда чуқур билимга эга мутахассислар аҳолига тезкор хизмат кўрсатмоқда.

— Шу билан бирга ёш мутахассисларни ҳам иш билан таъминлаш мақсадида тегишли бўлимларга олий ўқув юрти битирувчилари, юқори босқич талабалари бирикти-

рилди, — дейди марказ бўлими бошлиги Феруза Базарова. — Эътибор-

Чиптада «ойна» ва навбат рақамлари кўрсатилган бўлиб, кутиш жойи-

Диққат, янгилик

«ЯГОНА ОЙНА» — ТЕЗКОРЛИК ГАРОВИ
Аҳолига хизмат кўрсатишда янгича ёндошув

лиси, шу ернинг ўзида ўқув маркази ҳам ташкил этилди. Фаолиятимизни янада аниқроқ қилиб тушунирадиган бўлса, марказга келаётган аҳолини махсус ходим кутиб олади. Ҳар бир фуқаро қизиқтираётган саволларига маълумотнома бўлимидан ахборот олади, сўнг «сенсор» бўлимига ўтиб, таблодаги ўзини қизиқтирувчи хизматни танлайди ва навбат талонини олади.

да махсус монитор орқали навбатни кузатиб бориш мумкин. «Ойна»да интерфаол ва маслаҳат-ахборот услубида хизмат кўрсатилади.

Ҳозирда марказ ижтимоий таъминот, иш билан таъминлаш, тадбиркорлик субъектларини рўйхатга олиш, мулк ва ер кадастри, комму-

Саҳифа материалларини Шоира МУҲАМЕДОВА тайёрлади.
Ҳақимжон Солихов олган суратлар



МАШРИҚЗАМИН — ХИКМАТ БЎСТОНИ

ХИКМАТЛАР

Нафъ текур элга чу
абри баҳор,
Сунбулу райҳон киби
бўл мушкбор.

Бўлма ёмон киши киби
худпараст,
Яхшилик эт барчага
етганча даст.

Яхши ёмондин киши
ҳар не қилур,
Гардиши даврон эвазин
еткурур.

Шамки парвонага
қилди ситам,
Ёнди ўзи охири сар то қадам.

Одамдин қолса керак яхши от.

Кимки, ёмонликга
далолат этар,
Нест бўлур, ному нишони
битар.

Нафсу ҳаво илгинда
бўлма асир,
Кеч бу ҳаваснинг бошидин,
эй фақир.

Кимники, кўрсанг сен ани
Ҳизр бил,
Хизматини жону кўнгул
бирла қил.

Барчани ортуқ кўру
ўзунгни кам
Ким, бу турур роҳи
фанову адам.

Роҳи талаб устида чун хок бўл,
Чашма сифат софдилу пок бўл.

Маҳрам эсанг, воқифи
асрор бўл,
Гул била гул, хор била хор бўл!

Йўлга таваккул
била ургил қадам,
Мулки қаноатда
қўтаргил алам.

Ҳар нечаким бўлса
баланд ҳимматинг,
Ҳимматингга лойиқ
эрур қисматинг.

Гўйи саодатдин олур ул киши,
Бўлса чу чавгон сари
таслим иши.

Ўғуз олиб, сотма
оғир суд учун,
Кирма азоб ўтина бехбуд учун.

(«Маҳобҳорат» достонидан)
Эргаш ОЧИЛОВ тайёрлади

Шундай мусобақалардан бири 249-мактаб қошида ташкил этилган ёзги дам олиш болалар оромгоҳида стол тенниси, шахмат, шашка, эстафета бўйича ўтказилди. Беллашувда 70 нафар ўқувчи қатнашиб, галаба учун қизгин кураш олиб борди.

Стол тенниси бўйича қизлар ўртасида ўтказилган мусобақада Ирода Раҳимова, Ҳабиба Турсунова, Фарангиз Комилжоновалар голиб чиққан бўлса, ўғил болалар баҳсида Жаҳоҳирхон Расулов, Бекзод Абдураҳимов, Салоҳиддин Ҳалиловлар голибликни қўлга киритишди.

Шахмат турнирида Асилбек Абдуқаҳоровга тенг-лашадиغان рақиб топилмаган бўлса, шашка мусобақасида Нозима Баҳодирова, Барно Юнусова, Зиёда Соатовалар фахри ўринларни қўлга киритишди.

Эстафета бўйича мусобақа гуруҳлар орасида ўтказилиб, унда 8-гуруҳ иштирокчилари бошқалардан ҳар

Ёз — ўтмоқда соз

ЧАҚҚОНЛАР ГОЛИБ БЎЛДИ

Собир Раҳимов тумани хотин-қизлар қўмитаси, «Маҳалла» жамғармаси, халқ таълими, Болалар спортини ривожлантириш жамғармаси бўлиmlлари ҳамкорлигида 133, 146, 242- ва бошқа бир қатор мактаблар қошида очилган ёзги дам олиш оромгоҳларида спорт мусобақалари ўтказилди.

томонлама устунлигини кўрсатди.

— Ўтказилган мусобақа оромгоҳдаги дам олувчиларда катта таассурот қолдирди, — деди Болалар спортини ривожлантириш жамғармаси Собир Раҳимов тумани бўлими мутахассиси Рустам Камалов. —

Мақсадимиз эса спортни ёшлар орасига олиб кириш, соғлом турмуш тарзини тарғиб этиш, таътил кунларини мазмунли ўтказишига муносиб ҳисса қўшишдир.

Шоҳиста МАХМУДОВА

Спорт янгиликлари

Ўтган йилги мавсумни Қозоғистоннинг «Локомотив» клуби сафида ўтказган Ўзбекистон миллий терма жамоасининг собиқ ҳужумчиси Максим Шацких айни кунларда яна Украинада.

ШАЦКИХ ЯНА УКРАИНАДА

Гап шундаки, бир вақтлар Киевнинг «Динамо» клубида муваффақиятли тўп сўрган, киевликлар сафида бир неча марта Украина чемпиони ва тўпураги бўлган Максим кейинчалик Қозоғистон чемпионатида иштирок этди. Аста-секин яна ўз спорт формасини тиклаб бораётган ҳаётининг Украинанинг «Арсенал» клуби раҳбарияти қизиқиб билан қарай бошлади. Ҳув-ийгини

машғулоти яқинда эса «Арсенал» мураббийлари Шацкихни ўз жамбалари сафида кўриш истагида эканлигини яшириб ўтирмади. Эндиликда Максим «Арсенал»да ҳужумчи сифатида тўп сурмоқда. Куни кеча Донецкнинг «Шахтёр» ҳамда «Арсенал» жамоалари ўртасидаги чемпионат баҳсида ҳамюртимиз майдонда 90 дақиқа ҳаракат қилди.

ЙИРИК ҲИСОБДАГИ ҒАЛАБА

«Жар» стадионига йиғилган мухлислар «Бунёдкор» — «Насаф» жамоалари ўртасидаги мамлакат XIX миллий чемпионатининг қолдирилган бешинчи тур учрашувини томоша қилишди.

Иккинчи давра бошланишида «Бунёдкор» жамоаси ҳамон чемпионликка асосий даъвогар эканлигини исботлади. 90 дақиқа мобайнида яққол устунлик қилган Миржалол Қосимов шогирдлари 5:0 ҳисобидаги ажойиб ғалабани қўлга киритди.

Шу кун мухлислар Карпенко, Денилсон, Ристичларнинг чиройли голлари гувоҳи бўлди. Ристичнинг рақиб дарвозасини уч марта аниқ нишонга олиб, «хет-трик»ка эришиши футболчининг айни вақтда яхши спорт формасида эканлигини исботлайди.

Ёзининг жазирама кунларида кимлардир тоғ бағрида дам олса, бошқалар истироҳат боғларига ошиқади. Болажонлар эса чўмилишни хуш кўради.

Чўмилиш ҳавзаларига борган яхши. Чунки сузиш инсоннинг жисмонан бақувват бўлишига, саломатлиги яхшиланишига ёрдам беради. Аммо... Ҳамма гап ана шу «аммо»да. Кўпчилик ёшлар, ҳатто катталар ҳам кўпинча чўмилиш тақиқланган сув ҳавзаларига ёки суви ифлос анҳорларга боради. Камдан-кам одам чўмилиш учун мўлжалланган маҳсул сув ҳавзасига боради. Наҳотки чўмилиш ман этилган ҳовуз ёки анҳорга бориш соғлик

учун зарарли эканини тушуниш шунчалар қийин синча, ўша ҳудуддаги иқлимни мўтадиллашти-

Чўмилиш фойдали, БИРОҚ...

бўлса? Бундай ярқис сув ҳавзаларида чўмилишда, турли хил юкүм-ли касалликларга чалиниш хавфи кучли бўлишини ҳамма билади.

Шаҳар марказида кетаётган фаввораларда чўмилётган болажонларга кўзим тушиб қолди. Ахир фавворалар чўмилиш учун эмас, ак-

риш, ён-атрофга соя-салқинлик, гўзаллик бахш этиш учун қурилган-ку. Қолаверса, фаввора турли хил темир мосламалардан қурилади. Бу ерда чўмилишни хоҳлаган бола бирорта темир мосламага қоқилиб ёки боши билан йиқилса, нима бўлади? Қизилга, шаҳар марказига келаё-

тган болаларни ота-оналари нега назорат қилмайди? Бундан ҳам галати бир ҳолат ҳар ёз фаслида такрорланади. Кўпчилик ёзда пойтахт

хотиما топганига гувоҳ бўламиз, эшитамиз. Бу ҳақда матбуотда мақолалар ҳам эълон қилинади. Лекин...

Хулоса ўрнида шуни яна бир қарра таъкидлагимиз келди. Болажонларимизнинг сув спорти билан шуғулланишига имкон яратайлик. Рухсат берилган сув ҳавзаларида чўмилиш сирларини фарзандларимиз малакали мураббийлар қўлида ўргансин. Бунинг учун келажагимиз ворисларидан иқтисод қилмайлик. Шуни ҳам унутмайликки, ҳар жабҳада ёшларга аввало ўзимиз ўрнак бўлишимиз лозим.

Анвар ВАЛИЕВ



Бош муҳаррир
Акмал АКРОМОВ

Манзилмиз: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:

Эълонлар: 233-28-95,
236-57-65, факс: (371) 232-11-39.
Душанба, сешанба, чоршанба, пайшанба
ва жума кунлари чиқади.

Нашр кўрсаткичи — 563

ISSN 2010-9229

Газета Тошкент шаҳар
Матбуот ва ахборот
бошқармасида 02-1-рақам
билан рўйхатта олинган.

Ҳажми — 2 босма табоқ,
офсет усулида босилади.
2765 нурхал босилди.
Қоғоз ёғилми А-2

Нашри етказиб бериш масалалари бўйича турар жойлардаги почта бўлиmlарига ёки «Тошкент почтамити»га — 233-74-05 телефонига мурожаат қилишингиз мумкин.

Газета «Тошкент оқшомининг» компьютер марказида терилди ва саҳифаланди.

«Шарқ» нашрийт-матбоо акциядорлик компанияси босмаохонаси. Корхона манзили: Буюк Турон кўчаси, 41-уй.